

Gagana Samoa | O le Auivi o le Puipuiga mai le COVID

Faamatalaina o le auivi

O le Auivi o le Puipuiga mai le COVID-19 o le a suia ai le faiga o Vaega o Lapataiga o lo o faaaogā e le malo i le taimi nei e tali atu ai i le COVID-19 i totonu o Niu Sila. O le taimi lava e ausia ai le **90% o Tagatanuu Niu Sila e agavaa e fai tuipuipui atoa**, ona mafai lea ona faailoa le auivi fou lenei.

E 3-vaega e faaaogā e pulea ai le COVID-19 i totonu o le atunuu:

- Lanumeamata – e faaaogā pe a toaitiiti le aofai o tagata ua aafia i le COVID-19, ua iai i se tulaga gafatia le faataotolia ai o tagata i le falemai, ua lava sauni le faiga faavae tau soifua maloloina e tali atu.
- Lanumoli – e faaaogā pe a faatuputupulaia le aofai o tagata ua aafia i le COVID-19, ua mautu vaega e taulai i ai punaoa a le falemai ae e mafai ona pulea le pepesi o le faama’i, ua faatuputupulaia tulaga e lamatia ai le lautele o le atunuu.
- Lanumūmū – e faaaogā pe a moomia ona faatino o galuega e puipuia ai le faiga faavae tau soifua maloloina ma puipuia ai le faitau aofai o tagata e ono lamatia.

E mafai ona tatou siitia i le isi vaega maualuga atu pe a moomia e pulea ai le pepesi o le faama’i. E sili atu ona mafai ona fetuutuunai le auivi faatusa i le faiga o faia nei i Vaega o Lapataiga. O se tulaga lea e maua ai e tagata ua fai tuipuipui le tele o le saolotoga.

I lalo o vaega uma, e mafai e faleoloa, ma nofoaga faitele uma ona tatala pea mo tagata ua uma ona fai tuipuipui. O pisinisi o tatala tau lava na o tagata ua uma ona fai tuipuipui o pisinisi e maualalo lamatiaga e maua ai.

O afea o le a faailoa ai le auivi fou lenei?

E mafai ona e silasila i le toatele o tagata ua fai le tui muamua po o le tui lona lua, ma faatusa le nofoaga o e nofo ai i isi nofoaga i totonu o Niu Sila.

Su’e lou tuatusi po o le silasila i le faafanua o le nofoaga o e nofo ai.

Tuipuipui i le itumalo

Galuega tau soifua maloloina lautele

Faaauau le faia o siaki, faafesootai tagata na fesootai vavalalata ma le faanofoesea o auala tāua e tuutiitia ai so o se tulaga e salalau ai le siama.

O le a faamalositia le nonofo ai i fale i nofoaga faalotoifale pe afai ua vave le faatuputupulaia o tagata ua aafia. E ono moomia pea le faamalositia o le atunuu atoa e nonofo i fale.

O tulaga nei o le a faalagolago i ai le siitia i le va o vaega:

- aofai o tagata ua fai tuipuipui
- tulaga gafatia o le faiga faavae tau soifua maloloina ma auunaga mo ē iai manaoga faapitoa
- fai siaki, faafesootai tagata na fesootai vavalalata ma tulaga e gafatia ai le tausiga o tagata taitasi ua aafia, ma



- le pepesi o le COVID-19 i totonu o afioaga, e aofia ai aafiaga i nisi o vaega patino o le faitau aofai o tagata.

Tulaga moomia mo tusipasi tuipuipui

O le tusipasi tuipuipui o se faiga e lē faalauaitelina e faamaonia ai ua mae'a ona fai uma ou tuipuipui.

O le tãpã o se tusipasi tuipuipui o se tulaga o le a tuu i le faitalia mo le tele o nofoaga. O le a iai nisi o nofoaga e matuã telē lava lamatiaga o maua ai ma o le a latou moomia le faia o tusipasi nei ina ia mafai ona tatala i tagata lautele.

E mafai e pisinisi, faatasiga, faalapotopotoga, o tagata, ma le tele o isi matātã ona filifili e faatino se faiga e tusa ai ma le tulafono e faaulufaleina ai tagata e faaaogãina a latou auaunaga ua fai a latou tuipuipui.

Afai e lē o manao se pisinisi, faalapotopotoga po o se auaunaga e talosaga se faamaoniga o tuipuipui, e tatau ia i latou nei ona faafoe galuega i le maualuga ua faatapulaa i ai le toatele o tagata e tatau ona auai. E ono moomia ona latou faalatalata i le vaega **Lanumoli** ma/po o le **Lanumũmũ**.

E mafai e tagata uma ua 16 tausaga ma luga atu le matutua ona maua faamaumauga o tuipuipui COVID-19 na fai i le upegatafailagi e ta'ua o le My Covid Record.

O le upegatafailagi foi lea e mafai ona e maua ai kopi o tusipasi tuipuipui e faaaogã i le atunuu ma atunuu mamao ma iloa ai iuga o au siaki COVID-19 na fai.

[My Covid Record](#)

O le uiga o vaega taitasi

Lanumeamata

O le **Lanumeamata** e faasino lea i tulaga e toaitiiti ai tagata o aafia i le COVID-19 i totonu o le afioaga, ma nisi tagata o aafia na malaga mai atunuu mamao. O le a faatapulaa le pepesi o le faama'i i tagata ma le faataotolia i le falemai ona o le COVID-19 i se tulaga e gafatia ona pulea ai. O le a sauni le faiga faavae tau soifua maloloina e tali atu, e aofia ai auaunaga mo uluai tausiga tau le soifua maloloina, auaunaga tau soifua maloloina mo tagata lautele, ma falemai.

Faiga tatou te tumau ai i le vaega Lanumeamata:

- E moomia le faamauina o faamaumauga ma toaga e scan
- Faamalosia le faia o ufi fofoga i femalagaiga i luga o vaalele ma totonu o nofoaga

Nofoaga e mafai ona e asiasi i ai o lo o i le vaega Lanumeamata:

- Nofoaga mo tagata lautele
- Faleloa
- Falefaigaluega
- Aoga Amata, aoga, kura ma matātã mo aoga maualuluga faaiunivesite
- Faatasiga faitele maoti e faia i fafo
- E lē faaaogã ai tulaga o faatapulaa i le tuaoi.

Nofoaga e moomia ai tusipasi tuipuipui

E leai ni tulaga e faatapulaa pe afai e faaaogã tusipasi tuipuipui mo:

- Talimalo
- Faapotopotoga (e pei o faaipoipoga, malumalu tapuai, marae)
- Faatasiga (totonu/fafo)

- Pisinisi e fesootai vavalalata ai
- Falefaamalositino

Nofoaga e lē faaaogā ai tusipasi tuipuipui

Afai e lē o talosagaina e se pisinisi, faalapotopotoga po o se auaunaga se faamaoniga o se tuipuipui, o tulaga nei e faaaogā ai tulaga e faatapulaa ai.

- Talimalo — e oo atu i le 100 tagata, ma e faalagolago i le 1 mita e faamamao ai, saofafai ma tuu eseesea
- Faapotopotoga (e pei o faaipoipoga, malumalu tapuai, marae) — e oo atu i le 100 tagata, ma e faalagolago i le 1 mita e faamamao ai
- Faatasiga (totonu/fafo) — e oo atu i le 100 tagata, ma e faalagolago i le 1 mita e faamamao ai, saofafai ma tuu eseesea
- Pisinisi e fesootai vavalalata — fai ufi fofoga mo le aufaigaluega, 1 mita e faamamao ai le va o tagata e faaaogā auaunaga
- Falefaamalositino — e oo atu i le 100 tagata, ma e faalagolago i le 1 mita e faamamao ai

Lanumoli

I lalo o le vaega **Lanumoli**, o le a faatuputupulaia le pepesi o le faama'i i totonu o afioaga ma e ono faaletonu ai falemai. O le a taulai punaoa atoa uma a le faiga faavae tau soifua maloloina, ae e mafai pea ona pulea uluai tausiga tau soifua maloloina, auaunaga tau soifua maloloina mo tagata lautele, ma falemai. E ono iai foi tulaga e faatupulaia ai lamatiaga mo tagata e ono lamatia.

Faiga tatou te tumau ai i le vaega Lanumoli:

- E moomia le faamauina o faamaumauga ma toaga e scan
- O le a faamalosia le fai o ufi fofoga i femalagaiga i luga o vaalele, totonu o taavale la'upasese, faleoloa, nofoaga faitetele, ma uunaia le faia i isi nofoaga

Nofoaga e mafai ona asiasi i ai i le vaega Lanumoli:

- O le a tatala nofoaga mo tagata lautele i le maualuga e faatapulaa ai le toatele e mafai ona auai ma e faalagolago i le 1 mita e faamamao ai
- O le a tatala faleoloa i le maualuga e faatapulaa ai le toatele e mafai ona auai ma e faalagolago i le 1 mita e faamamao ai
- O le a tatala nofoaga mo aoaoga faatasi ai ma tulaga tau soifua maloloina faitetele e tatau ona faatino
- Falefaigaluega
- Faatasiga faitetele maoti e faia i fafo
- E lē faaaogā ai tulaga o faatapulaa i le tuaoi.

Nofoaga e moomia ai tusipasi tuipuipui

E leai ni tulaga e faatapulaa pe afai e faaaogā tusipasi tuipuipui i:

- Talimalo
- Faapotopotoga (e pei o faaipoipoga, malumalu tapuai, marae)
- Faatasiga (totonu/fafo)
- Pisinisi e fesootai vavalalata ai
- Falefaamalositino

Nofoaga e lē faaaogā ai tusipasi tuipuipui

Afai e lē o talosagaina e se pisinisi, faalapotopotoga po o se auaunaga se faamaoniga o se tuipuipui, o tulaga nei e faaaogā ai tulaga e faatapulaa ai.

- Talimalo — na o fesootaiga e lē fesootai ai
- Faapotopotoga (e pei o faaiipoipoga, malumalu tapuai, marae) — e oo atu i le 50 tagata, ma e faalagolago i le 1 mita e faamamao ai

E lē mafai e nofoaga nei ona faafoe a latou galuega e aunoa ma le tusipasi tuiipui:

- Faatasiga (totonu/fafo)
- Falefaamalositino
- Pisinisi e fesootai vavalalata ai

Lanumūmū

I lalo o le vaega **Lanumūmū**, o le a moomia le faatino o galuega e puipuia ai tagata e lamatia ma puipuia ai la tatou faiga faavae tau soifua maloloina mai le toatele o tagata ua faataotolia i le falemai ua lē mafai ona gafataulimaina.

Faiga tatou te tumau ai i le vaega Lanumūmū:

- E moomia le faamauina o faamaumauga ma toaga e scan
- O le a faamalosia le fai o ufi fofoga i femalagaiga i luga o vaalele, totonu o taavale la'upasese, faleoloa, nofoaga faitele, e fautuaina le faia i taimi uma e tuua ai le fale

O nofoaga e mafai ona asiasi i ai i lalo o le vaega Lanumūmū:

- Nofoaga mo tagata lautele — tatala mo le toatele e oo atu i le 100 tagata e auai ai, ma e faalagolago i le 1 mita e faamamao ai
- Faleoloa — e tatala i le maualuga e faatapulaa ai le toatele e mafai ona auai ma e faalagolago i le 1 mita e faamamao ai
- Falefaigaluega — fautuaina le faigaluega mai le fale
- E tatala aoga amata, aoga, ma kura e tusa ai ma tulaga tau soifua maloloina lautele
- Faatasiga faitele maoti e faia i fafo — faataga i luga o le maualuga faatapulaaina o le toatele e tatau ona auai
- E ono faaaogā tulaga o faatapulaa i le tuaoi.

Nofoaga e moomia ai tusipasi tuiipui

E iai tulaga e faatapulaa pe afai e faaaogā tusipasi tuiipui:

E mafai e nofoaga nei ona tatala mo le toatele e oo atu i le 100 tagata e auai ai, ma e faalagolago i le 1 mita e faamamao ai:

- Talimalo
- Faapotopotoga (e pei o faaiipoipoga, malumalu tapuai, marae)
- Faatasiga (totonu/fafo)
- Falefaamalositino

O le a mafai e nofoaga nei ona tatala faatasi ai ma isi tulaga o moomia:

- Faatino tulaga tau soifua maloloina lautele o moomia mo pisinisi e fesootai vavalalata
- Aoga maualuga faaiunivesite — e moomia le fai tuiipui pe a auai i nofoaga e faataunuu ai galuega, faatasi ai ma tulaga e tatau ai ona faamamao i le 1 mita

Nofoaga e lē faaaogā ai tusipasi tuiipui

Afai e lē o talosagaina e se pisinisi, faalapotopotoga po o se auaunaga se faamaoniga o se tuiipui, o tulaga nei e faaaogā ai tulaga e faatapulaa ai.

- Talimalo — na o fesootaiga e lē fesootai ai
- Faapotopotoga (e pei o faaipoipoga, malumalu tapuai, marae) — e oo atu i le 10 tagata e auai
- Aoga maualuga faaiunivesite — na o aoaoga e fai e aunoa ma le auai tino i ai

E lē mafai e nofoaga nei ona faafoe a latou galuega e aunoa ma le tusipasi tuipuipei:

- Faatasiga (totonu ma fafo)
- Pisinisi e fesootai vavalalata ai
- Falefaamalositino

Fai le tuipuipei

Fai lou tuipuipei i le asō, mo le maua o le fiafiaga atoa e tataui tagata uma i Niu Sila ona maua.

Afai o lena ua uma ona fai lou tuipuipei, taumafai e fesoasoani i au uo ma aiga e fai a latou tuipuipei ina ia mafai ona tatou maua le fiafia a o soifua ma ola ai i le faiga faavae fou i se taimi lata mai.

[BookMyVaccine](#)